

21170.165
34
1-5

一冊
序圖
星野 建置
山川 河渠
賦役

富平縣志

富平縣志

富平縣志板

富平縣志序

履信於庚戌歲恭膺

世宗憲皇帝簡命分發陝西學習試用甫抵西安
值諸上憲奉

旨纂修通志

信

以菲材猥入志館分門編撰時館

中羅置全省郡邑諸志以脩采取幾與曹

倉鄴架較伯仲

信

見之躍然曰

信

少時覽

新城王漁洋先生諸雜著有云近世志書
文簡事核訓辭爾雅無如康對山之武功

序

志次則王羨陂呂涇野孫立山鄜縣高陵

富平諸志皆可埒於對山者今此克棟堆

牀諸家俱在也因隨手抽檢縱心披閱益

歎名公咨賞另具隻眼用敢仿厥義例勉

編紀事經籍古蹟三門幸葺厥事越甲寅

歲試用郡邑旋調富平入境山川歷歷如

逢故物接其人士雍雍濟濟先達諸老之

清風高韻髣髴如或見之者徒以濫竽志

館時預獲縱覽孫公立山所輯邑志故也



既而公務叢委紛如蝟集不惟硯田就荒
筆藁將落難附著作之林而治教未孚民
俗待易方且旁午奔命日不暇給古云政
治不成者無爲妄議文章之事信安敢遽
擬治其政事及萬民之利害哀其禮俗教
治刑禁誌其和親康樂安平彙萃成書以
俟行人謁者乘傳持節而下採耶願惟

本朝

四聖一相承德洋恩溥海隅日出之鄉無不蒸蒸日上蒸蒸向

序

二

化名材輩出人文蔚起致可傳述矧茲三
輔名區久沐

恩膏而定閭以還勝蹟偉人鴻章巨製紀載缺
如忝居守土責有攸歸勢又不敢以謏劣
無文竟爾怠緩從事近年百凡粗舉略有
餘暇於是徵文攷獻謀爲修志之舉始悉
舊志自孫公撰次後六十餘年

本朝韓公斗山有續輯若干卷未經刊行急命
索觀見所覩縷可補孫志之缺者得若干

事稽其歲月距今更歷八十年所矣制隨時異事與年集風逐俗移誠不可以莫之志也爰擇日立櫃博爲採訪凡閱歲得若干紙仿白帖例分門別類鱗砌爲排更走書延致邑中之學行優卓者若干人公相商權去存詳畧務歸允當而止於孫公刻本韓公草本亦皆細加研磨稍涉重複者檢剔之稍非肯綮者節去之體例稍缺及稍冗者補綴之整頓之至其辯而不華質而不俚瞻而不穢詳而有體蔚爲不刊同

序

三

符班馬者則皆恪爲遵奉罔敢肆情點竄以增誣妄銓次旣竣爰登梨棗敬於簡端粗摭鄙見以告後之君子復念顧寧人先生有言監司守令不悉一方之地形土俗因革利病不可以作志信待罪五年碌碌無似輟敢泚筆汗簡率成此志方懼連愧孫公近慚韓氏難免續貂之誚至謂小言瑣議蚓竅蠅聲可與對山溪陂諸公踵起

代興抗行角立他日必有文壇隻眼如漁
洋先生者起而推崇獎借之信且前望古
人後顧來者不禁內外互慙面背交汗也
是爲序

皆

乾隆五年秋七月吉日

賜進士第富平縣知縣行取候補主事西亳喬
履信撰

序

四



富平縣志目錄

卷之一

疆域山川圖
城池全圖

富平八景圖
星野

建置
疆域
沿革
城池
形勝
署廨
古蹟

卷之二

山川
陵墓
河渠
附 橋梁

賦役
糧額
稅課
物產
附 俸給

卷之三

鄉甲
附 風俗
學校

富平縣志
目錄

典禮
祀典
寺觀
附 政典

卷之四

職官

卷之五

選舉

卷之六

名宦

卷之七

人物
鄉賢
節烈
仙釋

卷之八

祥異

藝文

富平縣志

卷之二
音錄

二

攷周禮鄭注暨史記天官漢書地理晉書天文唐書
曆志帝王世紀淮南鴻烈諸書秦地分野屬鶉首鶉
首爲南落經星東井與鬼雖班固稱秦分自井十度
至柳三度李淳風謂自井十六度至柳八度度數不
同同屬鶉首適當山河之右至後漢天文志春秋文
耀鉤廣雅宋天文志諸書或云雍州屬魁星或云天
樞主秦或云上台主梁雍而星圖復載天市垣列國
星二十二秦二星在周星東南又牛女下十二星有
東秦星西秦星又五車五星西北一星主秦糾轉紛
呶如治絲而棼故謹遵一行大衍山川兩界之說按
富平縣志

卷之一 星野

二

甘石張陳星經星圖丹元子步天歌參互考定首爲
星圖以補舊志之缺又按富平地當渭北應屬井二
故僅繪井宿不及鬼與云

西亳喬履信曰秦屬鬼井驗用如響矣稽星家言井
正明則法度正厥明大盛多風雨鬼四星明五
穀成動搖則災天人徵應不爽耳雖修德修政
用禳用祈存乎其人而視聽自民日監在茲尙
慎旃哉首撰星野敬天也

建置

疆域 城池 署廡
沿革 形勝 古蹟

秦穆用錫比土陸海金湯括三秦以爲言

也富邑雖割雍片壤然於秦中稱洋洋大風矣
畫疆有定建置靡常名跡勝地率可述而志攬
拾臚列仿寰宇郡國例志建置

疆域

富平縣治 在西安府東北東至蒲城縣界四十里
西至三原縣界三十里南至臨潼縣界二十里北
至同官縣界六十里東南至關山里蒲富渭臨四
縣界四十里西南至三原縣界三十里東北至六
井村蒲城縣界九十里西北至澠州界五十里東
北至

富平縣志

卷之一

建置

疆域

三

京師二千六百里西南至西安府一百二十里

城池

縣城本名窰橋寨元末張良弼據之徐達經畧關中
因以爲縣正統初知縣高應舉始築土爲城周三
里高三丈自壕至堞高六丈池深一丈門三弘治
中知縣陳潤闢西門嘉靖中巡撫謝蘭增築城外
敵臺知縣胡志夔砌以甃乙卯地震城圯知縣趙
桐繕之知縣崔舉葺四門知縣史燦竟其工扁四
門東曰華翔西曰荆蹕南曰盤石北曰帶溫萬曆
間知縣劉兌始創東郭更名盤門引玉帶渠水南

入隍中

本朝康熙元年知縣鄭崑璧修築康熙五十二年知縣楊勤改建南門更名啟運

署廨

縣署 在城內正中明洪武三年主簿陳忠信建天順中知縣王傑新之成化十八年知縣郭銘建吏舍創後堂三楹知縣張本增爲五楹嘉靖乙卯地震傾圮知縣張桐建親民堂五楹右爲庫捲棚儀門各三楹隆慶中知縣史燦建堂左翼室暨宣化坊萬曆中知縣楊守川建堂右翼室暨戒石亭知

富平縣志

卷之一

建置

署廨

四

縣劉兌建二堂三堂四堂

本朝康熙五十二年知縣楊勤建五堂

縣丞署 在縣署東明萬曆十年縣丞高希古建崇

禎十六年知縣崔允升脩

本朝康熙十年知縣鄭日仁率脩

典史署 在丞署東康熙十七年知縣郭傳芳重脩

教諭署 在明倫堂東康熙五十二年知縣楊勤重

脩

訓導署 在明倫堂西康熙五十二年知縣楊勤重

脩

都司署 在縣署東按舊志圖卽按察司行署也

富有倉 在縣署正南

富新倉 在縣署正北

富厚倉 在縣署東南

富脩倉 在縣署後

社倉

連城堡 賓村堡 留古鎮 尸家鎮 到賢鎮

薛家鎮 流曲鎮 莊裏鎮 都村鎮各一 美原

鎮二倉

養濟院 在富厚倉東原厦九間雍正十三年知縣

富平縣志 卷之一建置 署廨 五

喬履信添建九間門樓一間

譙樓 明鴻臚序班李盡心脩在縣署東南

講武場 舊在南郭外明知縣劉兌移置北郭地三

十六畝

舊署廨附主簿署在縣署西職裁署廢 申明亭

在縣門左 旌善亭在縣門右 舊倉廩官倉在

縣內後堂西預脩倉在治東學倉在明倫堂後

北察院在縣署北 布政司在縣東門內 西安

府在縣南街東之北 美原巡司在縣東北六十

里 官桑園在縣西南隅 稅課局在宣化坊縣

門南街 社學在新城 陰陽學在縣署東 醫
學在縣署東 僧會司在縣署東南 道會司在
縣署西

信 按廢署廨地址多無可考然其名斯存其制
可想也况申明旌善二亭在

國家垂為令典尤存董戒之意宰方舉鄉約敦教化
可聽其名與實湮乎有其舉之莫敢廢也勿咤
其迂矣

沿革表

本朝 富平縣屬西安府乾隆元年

富平縣志 卷之一 建置 沿革表 六

題定為繁難要缺

虞 雍州地

夏

商

周 畿內地東遷後屬秦置頻陽縣

信 按秦厲共公二十二年初縣頻陽
以縣在頻山南故名今縣東北五
十五里有頻陽故城即其地

秦 頻陽縣即厲共公所置始皇兼并後屬內史

西漢 頻陽縣 項羽入關分秦地王三降將頻陽屬

塞漢高時隸河上郡尋於潁陽西南置懷德縣俱屬內史景帝分左右史屬左內史武帝更左右史為三輔屬左輔新莽時屬列尉大夫

信按懷德故城即潁陽城在今縣西北十里即晉移富平縣治也寰宇記云在富平縣西南十里蓋指唐徙縣之義亭言之禹貢雖指不知明初富平已徙今治仍誤指懷德故城為在今縣西南又謂非漢懷

富平志

卷之一

建置

沿革表

七

德縣地而不指漢縣在何方今按西漢置縣之後東漢省入潁陽則所置之縣即屬故城至晉徙富平治之似不當有異地也

東漢

潁陽縣省懷德入潁陽仍屬左馮翊

蜀魏

潁陽縣屬左馮翊

晉

富平縣潁陽縣

富平隸北郡部潁陽仍屬左馮翊

信按西漢地理志富平隸北地郡縣有北郡渾懷二都尉分治神泉渾懷二障地在靈州回樂縣界東漢

時自同樂徙治彭原縣界至晉郊
於彭原界徙道今縣西北十里許
懷德故城

南北朝 富平縣 土門縣

苻秦於頻陽置土門護軍魏太武帝
平真君八年罷土門護軍以其地入
同官徙北地郡于泥陽之通川通川在縣東北三十里
今流曲地後以泥陽入富平宣武
景明元年析同官置土門罷頻陽西
魏文帝大統五年自懷德徙富平於
今縣西南三里石川河之陽石婆娑

富平縣志

卷之一 建置

沿革表

八

原廢帝三年以富平隸宜州今耀州後
周閔帝二年於縣置中華郡以在中華原右
故領富平武帝建德四年罷中華郡
以富平隸馮翊

隋

富平縣 土門縣

文帝開皇三年隸雍州煬帝大業二
年省土門入華原屬京兆郡義寧二
年復析華原置土門縣隸宜君郡

唐

富平縣 美原縣

武德初置富平道驃騎車騎領之旋
改立戈軍貞觀十七年罷土門咸亨
二年析富平華原華平土門故址置

美原縣天授元年隸宜州大足元年
隸雍州開元中徙治義亭城即今縣也
屬關內京兆府貞元四年改赤縣旋
陞州天祐二年李茂貞據鳳翔析美
原為鼎州隸耀州貞明元年改裕州
隸崇州

五代
富平縣
美原縣

梁復美原屬雍州改鼎州為裕州唐
自雍州移富平屬耀州以美原屬同
州已屬耀州晉漢周因之

宋
富平縣
美原縣

元祐三年併富平美原屬永興路
京兆府耀州

富平縣志 卷之一 建置 沿革表 九

金
美原縣
皇統二年省富平入美原隸耀州天

會九年賜齊天眷元年歸宋三年復
取之

元
富平縣復富平與美原仍屬耀州至元元年

以美原入富平
信按元末守將張良弼即張屯兵
橋寨依卽陵為城卽今治所

明
富平縣
洪武二年屬耀州萬曆 年改隸

西安府